



Broj: 01-49-1913/12

Datum: 01.10.2012. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj:35/05), člana 42. Statuta Općine Maglaj („Službene novine Općine Maglaj“ broj:8/07, 3/08 i 6/08), člana 29. Odluke o izvršavanju Budžeta/Proračuna općine Maglaj za 2012. godinu („Sl. novine općine Maglaj“ broj:10/11), te na osnovu Programa poticaja za poljoprivrednu proizvodnju Općine Maglaj za 2012. godinu broj:04-24-1-1172/12 od 30.03.2012. godine i Odluke o usvajanju Programa poticaja za poljoprivrednu proizvodnju Općine Maglaj broj: 01-49-698/12 od 30.03.2012. godine, Općinski načelnik o b j a v l j u j e

JAVNI POZIV
za podnošenje zahtjeva za ostvarivanje novčanih podrški za plasteničku proizvodnju na području općine Maglaj

1. PREDMET POZIVA:

- Predmet poziva je podnošenje zahtjeva za plasteničku proizvodnju na području općine Maglaj u 2012. godini.
- Rok za podnošenje zahtjeva je **10.10.2012. godine (srijeda)**.
- Najmanja prijavljena površina pod plastenicima mora biti **200 m²**.

2. PRAVO PODNOŠENJA OSTVARUJU:

- Poljoprivrednici koji su registrirani u Službi za privredu, financije/finansije i razvoj poduzetništva, općine Maglaj, za obavljanje poljoprivredne djelatnosti, i koji su izvršili upis u Registar poljoprivrednih gazdinstava.
- Individualni poljoprivredni proizvođači koji su izvršili upis u Registar poljoprivrednih gazdinstava/gospodarstava i Registar klijenata u nadležnoj Službi općine Maglaj, na svom ili zakupljenom zemljištu od fizičkih lica, vrše plasteničku proizvodnju u skladu sa Javnim pozivom i blagovremeno podnesu zahtjev za općinski poticaj.
- Poljoprivredne zadruge/udruženja sa područja općine Maglaj koje su upisane u registar poljoprivrednih gazdinstava na području Općine, koje podnesu zahtjev sa navedenim spiskom svojih članova koji zadovoljavaju kriterije za ostvarivanje općinskog poticaja i upisani su u Registar poljoprivrednih gazdinstava.

VRSTE POTICAJA, KRITERIJI, I POTREBNA DOKUMENTACIJA

VRSTA POTICAJA	KRITERIJI	DOKUMENTACIJA
PLASTENIČKA PROIZVODNJA (cvijeće i povrće)	Proizvodnja zasnovana na području općine Maglaj, na vlastitom ili zakupljenom zemljištu, najmanje na površini od 200 m ²	-Zahtjev, -Posjedovni list ili ovjerena izjava od strane općinskog organa o zakupu ili davanju zemljišta na korištenje. -Posjedovni list nije potrebno priložiti ukoliko je parcela već prijavljena u Registru poljoprivrednih gazdinstava

3. PROVEDBA POSTUPKA

Kompletirani zahtjevi sa potrebnom dokumentacijom podnosiocima zahtjeva dostavljaju putem protokola Općine Maglaj, općinskoj Službi za privredu, financije/finansije i razvoj poduzetništva – Komisija za poticaje.

Ispunjenost kriterija utvrdit će Komisija imenovana od strane Općinskog načelnika, sačiniti prijedlog korisnika i isti dostaviti Općinskom načelniku koji donosi odluku o isplati poticaja.

U slučajevima gdje Komisija zapisnikom utvrdi da podnositelj zahtjeva nije ispunio jedan ili više kriterija zahtjev se odbija, a ponovno podnošenje zahtjeva za istu proizvodnju neće biti razmatrano.

Ukoliko se identificiraju podnosioci zahtjeva koji podnose zahtjev sa neispravnim podacima, isti će biti isključeni iz programa poticaja.

Rok za podnošenje zahtjeva je **10.10.2012. godine (srijeda)**, a zahtjevi koji budu podneseni nakon isteka navedenih rokova neće se uzimati u razmatranje.

Dostavljeno:

1x Služba za privredu, financije/finansije
i razvoj poduzetništva,
1x Općinski Načelnik,
1x Zadruga i udruženja
1x Mjesnim zajednicama
1x RTV Maglaj,
1x Oglasna ploča,
1x a/a

OPĆINSKI NAČELNIK
Mehmed Mustabašić, prof.